



**PEKELILING PENTADBIRAN
BILANGAN 4 TAHUN 2014**

**PENUBUHAN SKIM FELO TERHORMAT
(*DISTINGUISHED FELLOW*)/PROFESIONAL
BERPENGETAHUAN (*KNOWLEDGE PROFESSIONAL*)
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
25 Februari 2014

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 3 (53)

25 FEBRUARI 2014

PEKELILING PENTADBIRAN BIL. 4/2014

PENUBUHAN SKIM FELO TERHORMAT (*DISTINGUISHED FELLOW*)/PROFESIONAL BERPENGETAHUAN (*KNOWLEDGE PROFESSIONAL*) DI UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan Mesyuarat Lembaga Pengarah Bil. 6/2013 yang bersidang pada 30 Disember 2013 telah bersetuju dengan penubuhan Skim Felo Terhormat (*Distinguished Fellow*)/Profesional Berpengetahuan (*Knowledge Profesional*) di UTeM.

2.0 LATAR BELAKANG

2.1 Universiti Teknikal Malaysia Melaka (UTeM) merupakan sebuah Institusi Pengajian Tinggi Awam (IPTA) yang berteraskan pendidikan secara teknikal dan amalan. UTeM dari semasa ke semasa terus berusaha untuk meningkatkan tahap dan mutu kecemerlangannya dalam aspek pengajaran dan pembelajaran, penyelidikan serta pembangunan bagi memastikan visi, misi dan objektif penubuhannya adalah tercapai.

2.2 Atas dasar untuk melaksanakan fungsi yang telah diamanahkan oleh pihak Kerajaan serta mengekalkan kecemerlangan tersebut, maka UTeM terus berusaha dari semasa ke semasa mengambil pendekatan yang strategik dengan memperkenalkan inisiatif-inisiatif menarik seperti skim yang dicadangkan ini selaras dalam menterjemahkan moto '*Sentiasa Merintis, Sentiasa Menerajui*'.

2.3 **Skim Felo Terhormat (*Distinguished Fellow*)/Profesional Berpengetahuan (*Knowledge Profesional*)** ini ditawarkan kepada tenaga pakar dan profesional serta ahli akademik terkemuka dari Malaysia yang berada di dalam ataupun bertugas di luar negara khususnya, apabila mereka sedang bercuti di negara ini, UTeM akan menjemput mereka untuk berkongsi

ilmu, kepakaran dan pengalaman mereka melalui bidang masing-masing untuk dimanfaatkan kepada seluruh warga kampus.

3.0 PELAKSANAAN

Skim Felo Terhormat (*Distinguished Fellow*)/Profesional Berpengetahuan (*Knowledge Professional*) adalah seperti di **Lampiran 1**.

4.0 TARIKH KUAT KUASA

Pekeliling Pentadbiran ini berkuat kuasa mulai 30 Disember 2013.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp

Lampiran 1

- 1.1 Nama Skim : Skim Felo Terhormat (*Distinguished Fellow*) / Profesional Berpengetahuan (*Knowledge Professional*).
- 1.2 Keperluan Jawatan : Profesor/Profesor Madya/Mentor/CEO
- 1.3 Tujuan : Kemudahan melantik tenaga pakar dan profesional serta ahli akademik terkemuka dari Malaysia yang berada di dalam ataupun bertugas di luar negara khususnya, apabila mereka sedang bercuti di negara ini UTeM akan menjemput mereka melalui skim ini untuk berkongsi kepakaran dan pengalaman mereka melalui bidang masing-masing agar dapat dimanfaatkan ilmu yang diberikan kepada seluruh warga kampus.
- Calon yang dicadangkan adalah dari mereka yang telah diakui memiliki pengalaman dan kepakaran yang diiktiraf dalam bidang masing-masing yang berkaitan dengan keperluan Universiti.
- 1.4 Syarat Pelantikan :
- a. Fakulti/Pusat/Institut boleh memilih calon yang sesuai dari kalangan mereka yang telah diiktiraf pengalaman dan kepakaran dalam bidang masing-masing dari sektor industri sama ada calon dalam dan luar negara termasuk warganegara yang berada di luar negara yang berminat untuk dilantik;
 - b. Setiap calon yang dipilih hendaklah telah

dikategorikan sebagai pakar dalam bidang masing-masing dan sesuai dengan keperluan Fakulti/Pusat/Institut; dan

- c. Fakulti/Pusat/Institut hendaklah mendapatkan terlebih dahulu kebenaran di mana organisasi calon bertugas termasuk tempoh yang telah dicadangkan.

- 1.5 Kaedah Pelantikan : Cadangan calon akan dikemukakan oleh Fakulti/Pusat/Institut melalui kertas kerja lengkap dan ianya dibincang serta diluluskan dalam Mesyuarat Jawatankuasa Tetap Senat Hal Ehwal Akademik sebelum dibawa bagi tujuan pengesahan dalam Mesyuarat Senat. Pelantikan ini juga akan dibawa dalam Mesyuarat Lembaga Pengarah Universiti bagi tujuan pemakluman. Pelantikan akan dibuat melalui Pejabat Naib Canselor.
- 1.6 Tempoh Lantikan : Tempoh lantikan adalah dari satu (1) hingga tiga (3) tahun dan calon boleh hadir ke UTeM pada bila-bila masa dengan had 3 hari maksimum setiap kali hadir ketika calon sedang bercuti di Malaysia.
- 1.7 Penamatan Perkhidmatan : Universiti dan calon boleh menamatkan perkhidmatan dengan memberi notis secara bertulis kepada Naib Canselor ataupun sebaliknya.
- 1.8 Tugas Utama : a. Memberikan ceramah/seminar/dialog dalam bidang kepakarannya kepada seluruh warga universiti khususnya para pelajar dan staf

akademik;

- b. Memberi khidmat nasihat berkaitan kurikulum dan silibus dalam bidang-bidang yang berkaitan;
- c. Memberi nasihat dan membantu Universiti dalam bidang penyelidikan dan pembangunan dalam bidang kepakaran tertentu;
- d. Terlibat sebagai ketua/ahli dalam sesuatu kumpulan industri tertentu; dan
- e. Memberi khidmat nasihat dan merangka program latihan industri berdasarkan keperluan semasa kepada tenaga akademik Universiti dan pelajar.

1.9 Elaun dan Kemudahan :

Honorarium

RM1,000.00 sehari.

Elaun makan minum RM200.00 sehari.

Penginapan Mengikut kadar Profesor VK7.

Perjalanan/Pengangkutan

Tiket kapal terbang kelas perniagaan (untuk penerbangan domestik sahaja).

Perubatan

Layak mendapat (tidak termasuk tanggungan) rawatan perubatan, sama ada dari Doktor Panel UTeM, atau HospitakIKlinik Kerajaan (termasuk Pusat Kesihatan UTeM) semasa berada di UTeM.